

黃之鋒fb洩《大公報》記者私隱

私隱署：已跟進處理 新聞聯：做法極不恰當

《大公報》一名記者日前向「香港眾志」秘書長黃之鋒作出查詢，黃之鋒不僅未有隻字回應，更於facebook發帖公開該名記者的全名及手提電話號碼，更提供該名記者的WhatsApp超連結，叫網民「幫手直接答佢（記者）」。

該記者的手機其後收到大量匿名電話及短訊滋擾。個人資料私隱專員公署昨日在回覆香港文匯報查詢時表示，私隱公署已根據既定程序和法例作出跟進處理。有新聞工作者表示，黃之鋒未得記者同意下公開其個人資料，做法極不恰當，呼籲任何人都要尊重記者工作。

香港文匯報記者 黃書蘭



黃之鋒發帖文洩露《大公報》記者私隱，並叫網民幫手直接答記者。黃之鋒fb截圖

黃之鋒近日發帖，帖文顯示《大公報》一名記者以電話短訊向黃之鋒就會否願意將黃之鋒在維基百科上顯示的出生地由「英屬香港」改為「中國香港」，有關短訊內文以「你好」、「麻煩你」、「請問」及「如蒙賜覆，不勝感激」等用語，十分有禮。

煽網民「直接答佢」記者受滋擾

不過，黃之鋒不但沒有回覆，更在facebook發帖稱：「想請教大家，收到大公報作家嘅查詢，應該點樣答佢呢？如果大家靈機一觸，諗到別出心裁嘅答案，可以幫手直接答佢。」並附上該名記者的WhatsApp超連結，更將記者的姓名、電話及查詢短訊的截圖公開。該記者的手機隨後收到大量匿名電話及短訊滋擾。

香港新聞工作者聯會副主席顧堯坤表示，黃之鋒在未得記者同意下，將

記者的個人資料在網上公布，做法極不恰當。他呼籲，任何人都切勿仿效，一定要尊重記者。

記協昨晚深夜回覆香港文匯報查詢稱，難以評論黃之鋒做法是否恰當，認為事件中的記者應自己向黃之鋒反映或向相關機構投訴。

陳凱欣批行為「極不要得」

曾任職記者的立法會議員陳凱欣表示留意到有帖文，並認為涉事記者向黃之鋒查詢時非常有禮貌，問題亦屬正常，而經常叫罵要爭取言論自由及新聞自由的黃之鋒竟在帖文以所謂「《大公報》作家」來稱呼該記者，更將記者的全名及手機號碼公布，明顯作用是讓網民公審或打電話去騷擾該記者，行為極度不要得，切合黃之鋒過往講一套做一套的做法。

她認為，公眾人物會應當收到記者的查詢，若覺得有關查詢有冒犯性，

可以互相尊重地婉拒受訪，不應因為記者屬於某間報館，就作出針對性行為，希望任何人都切勿效法，都要尊重記者身份。

香港個人資料私隱專員公署回覆香港文匯報查詢時表示，根據《私隱條例》中有關使用個人資料的保障資料第3原則，除非資料使用者取得有關資料當事人自願給予的訂明同意或有關資料的使用獲《私隱條例》第8部所豁免，否則個人資料不得用於「新目的」。私隱公署已根據既定程序和法例作出跟進處理。

2015年，《蘋果日報》一名記者致電時為香港大學學生會會長的馮敬思時遭到不禮貌對待，遂於facebook發帖批評對方。

其後，有人將該名記者的個人資料，包括手提電話號碼發布到網上，令該名記者受到持續數年的滋擾。

搵藍店印「初選」文宣「黃絲」批何桂藍「扮黃」



「所謂口中說不，身體很誠實。」想睇新東出選立會嘅前《立場》記者何桂藍，日前嘍連登俾一「黃店」老闆踢爆，話佢把口成日叫人支持「黃色經濟圈」，但自己就搵「藍店」印文宣。何桂藍之後就係facebook解釋，話自己「有同唔同嘅黃色印刷廠quote過價（報價），但貨期上一直唔太夾到，而今次「初選」文宣印得急，所以用咗速度比較快的服務供應商」。

唔少「黃絲」網民就唔認同佢嘅解釋，齊聲鬧爆佢：「好唔得嘢！連最基本（嘅）原則都做唔到，出黎（嚟）選做咩？」

自稱係一間「黃店」老闆嘅「小李個老闆」日前嘍連登發帖，話「前幾日見到何桂藍出post（帖）話想搵地方貼poster（海報），小弟就申請左（咗）」，點知收到張海報後，發現原來對方唔係搵「黃店」印：「仲話黃色經濟圈，食××啦，選舉經費到最後又係落番（返）藍店到（度），我選你托×呀，日×日都講緊由生活細節做起，你就帶頭做衰，咩×野（嘢）叫抗爭融入生活呀，好明顯你團隊出×晒問題啦！」仲話：「本身我都係（嘍）新東，但呢一刻我呆×左（咗），

投唔落，唔好意思。」

唔少「黃絲」都鬧爆何桂藍過分。「蛋汁撞奶」鬧佢：「叫你衝又唔衝得，有本分又唔做好，有光環又唔帶好個頭。其實幫襯『黃店』係最低消費，唔係要衝要捐錢……連最基本呢一步都做唔好，好難搵你代表選民爭取！」

「火燒後欄」就覺得何桂藍不過係「扮黃」搵食：「有利可圖咪『扮黃』囉，咁啱食正721界（俾）人打個（嗰）條水，今次選到咪變白頭佬（梁耀忠）二世。」

「凱羅忍」就覺得何桂藍為錢參選一定輸：「得罪講依D（呢啲）空降×係唔會吸到居民票，係吸政治狂熱份（分）子票，返去做記者吧啦！似係想食十萬人果（嗰）類人。」

「馬路迪」都話：「同埋佢鋪路都鋪得好明顯，記者去整專頁、寫社評、上電視節目，之後辭職參選！」

如政棍「講一套做一套」

有網民就覺得何桂藍同班泛民政棍一擔擔，講一套做一套。「史努比卡超」仲舉例：「販民（泛民）食一風堂，教協賣美心中移動。」

「紅樓夢蓮」直指何桂藍既政綱本身都好空泛，唔值得支持：「佢成日話破局、破局，但佢一啲論政既（嘅）實際內容都無，嫌『泛民』廢唔緊要，但一味空泛講改變局面，我投唔落（益）比（男）佢！」

香港文匯報記者 黃書蘭



葛珮帆 香港文匯報記者攝

葛珮帆盼議會返正軌 減暴力重民生

香港文匯報訊（記者 郭家好）今屆立法會會期即將完結，民建聯立法會議員葛珮帆昨日與傳媒茶敘，總結過去4年的工作報告。她表示，自己今屆任期中感到最不開心的事件是看到議會暴力不斷增加，攪炒派為攪炒而攪炒，故希望未來議會能重回正軌，重點關注民生政策，減少混亂及暴力。

葛珮帆表示，由今屆立法會會期開始直至今年7月，自己總共提出了95條質詢，包括76條書面質詢、17條口頭質詢及兩條緊急質詢，並笑言自己可能是今屆提出最多質詢的議員。

在總結過去4年的工作時，她介紹，自己在醫療、保護兒童、教育、創新科技、婦女及保護動物方面皆有不錯的成績。在醫療方面，她成立了「罕見病癥病關注組」及關注香港醫護人手短缺問題；在保護兒童方面，她跟進校園欺凌，防止兒童受虐；在教育方面，她推動本港STEM教育及全面檢討通識科；創新科技方面，她推動5G網絡基建，建設香港智慧城市；在保護動物方面，她成功爭取立法禁止本地象牙買賣，推動政府制訂《動物福利法》及關注流浪動物。同時，她更化身為「打擊騙案專家」，不斷為市民發聲。

諷攪炒派議會「做秀」不健康

她過去在議會內重點推動民生政策，但同時不會逃避政治鬥爭，特別是她不能容忍攪炒派在議會內胡亂說話，「這不是一個健康的發展，很多議員傾向以『做秀』為主。」

葛珮帆表示，過去一屆的立法會工作令她感到很充實。至於最難忘或不開心的事，她表示是看到立法會被暴徒打壞及議會暴力不斷增加，而議會暴力是一種不好的趨勢，令外界將立法會形容為「垃圾會」，故希望未來立法會能重回正軌，不要再出現混亂及暴力，而是多重點關注民生政策。

港未引電子投票如處「石器時代」

她強調，倘「攪炒派」取得35+議席，屆時香港會陷入停擺之中，「市民要問是否攪炒就可以成功爭取一些說不清的東西？為攪炒而攪炒？為對付中國而攪炒香港？攪炒手段可以迫政府就範嗎？」她希望市民能看清攪炒派的真面目，投下明智的一票，不要讓香港的競爭力繼續下跌。

另外，葛珮帆形容立法會選舉至今仍未使用電子投票是「處於石器時代」，並批評選管會的思想未能跟上時代的變化，看不到市民所關心的公平公正公開問題，理應更換班子。

前「鴿員」確認「鴿金」分配不勻 批林卓廷專橫雙標



有媒體早前報道，喺白鴿黨黨內盛傳主要資金來自境外嘅慈善機構「安樂社會服務中心」近日被揭係該黨「金庫」，該機構元老操盤，將資金傾斜向該黨立法會議員三白眼（林卓廷），幫佢上位，而該黨前年爆出嘅近60名成員集體退黨事件，背後亦同該「金庫」分配不勻有關。喺當時退黨嘅丁仕元就係facebook發帖證實話，報道內嘅資料，「大多係堅料」，即係大佬心儀誰就傾斜誰，三白眼的確係一個「專橫跋扈、瞞上欺下、雙重標準」的人，叫大家初選唔好選佢，不如俾後生機會。

《東周刊》喺日前報道中，引述知情人話「安樂」已經「變晒質」，變成白鴿黨嘅選舉機器，由一班「元老」操盤，明益自己友。

文中話，今屆立法會選舉林卓廷空降新東界，佢喺「安樂」嘅幫幫

下，喺黨內獲最多資源，更嘍重回白鴿黨短短五年就成為「雙料議員」，但自從佢空降該區後，則出現黨友申請「安樂」資金唔批，擺黨羽同自己人爭票，造成雙雙落選等情況，更嘍兩年前釀成退黨潮。此外，「安樂」除大方向向三白眼傾斜資源外，資金來源、財務記錄等都引起外界質疑。

「大佬心儀誰就傾斜誰」

丁仕元就係facebook發帖證實話，周刊內嘅資料，以佢所知，「大多係堅料」，即係大佬心儀誰就傾斜誰，「三白眼（林卓廷）的確係一個『專橫跋扈、瞞上欺下、雙重標準』的人，其他也再無補充。」

他續指，當年三白眼同九哥（蔡耀昌）爭出（選）新東界時，「三白眼攞嘅資源就比九哥高出好幾倍，搞到九哥心灰意冷退選！當時個黨在北區開囉（晒）辦事處，請幾個助理服侍當時仍是總幹事的三

白眼落區，每月豪洗（使）十幾萬幫佢先選區議會！」

丁仕元又爆嘍再到選立法會時，又安排「安樂」在大埔廣場開舖，名義上就擺市建局錢，向街坊講解反圍標，其實又係請幾個助理，幫佢選舉。選舉過後，個舖當然「關門大吉」啦，又話攞炒派初選，與其揀呢啲「專橫跋扈、瞞上欺下、雙重標準」嘅人留喺立法會，就不如界機會其他新人好過。

網民數臭三白眼「垃圾」

唔少網民乘機數臭三白眼。「Sam Sam」話：「佢好醒，天下圍公選舉工程都可以食四球，之後用法援打官司。」

「Lo Tin Wai」話：「垃圾不愧係垃圾。」

「Benjo Law」就話：「好多食人血饅頭好多年，係時候要選。」

香港文匯報記者 鄭治祖



丁仕元話三白眼（林卓廷）「專橫跋扈、瞞上欺下、雙重標準」。丁仕元fb截圖

炒立會保安當政綱 網民嘲何啟明「有大志」



民協何啟明就話要炒晒立法會保安同秘書長，由「手足」同cheap禎（游蕙禎）頂替。fb圖片

攞炒派嘅參選政綱同民生脫節已經唔係新鮮事，但估唔到有人為博出位，連炒保安都可以係政綱。攞炒派「初選」臨近，各候選人奇招出盡拉票，民協嘅何啟明就話，當選後會炒晒所有立法會保安，由「手足」頂替，仲會炒埋現任立法會秘書長陳維安，再請返當年被陳維安判定侮辱就職誓詞而喪失議員資格嘅cheap禎（游蕙禎）嗰。唔少網民批評佢為吃勝選而借cheap禎過橋。

嗰年一班「黃絲」、「素人」嘅

政綱清一色係「五大訴求 缺一不可」，但何啟明可能知道自己有乜名氣，難用平平無奇嘅政綱突圍，於是拖埋「手足」同cheap禎落水。

批何借「cheap禎」過橋

當年被陳維安判定宣誓無效而被DQ嘅仲有cheap禎嘅前黨友、「青年新政」召集人梁頌恆，但點解何啟明淨係提cheap禎？其實，當年cheap禎被DQ後，何啟明曾想參加補選攞個位，但當時就被民協元老馮檢基迫走，可能因為咁就覺得同cheap禎「同病相

憐」，但唔知網民又點睇呢？

「Raven Wong」就話：「好×假嗰，當年你班×樣有份贊成DQ佢地，而（嘅）家又借人地（嘅）拉票？」何啟明就回應話：「我地（嘅）一直都反對DQ任何民選議員，包括游小姐！」結果被「Ng Kiki」揶揄：「都唔知點樣當年有份反對，民協上屆立法會全軍覆沒。」

「Sy Ko」就不屑：「政綱之一？請保安由議員話事？議員負責面試同篩選？將目光集中香港事務，做番（返）少少實事向選民交代下（吓）？」

「Ralph Wong」就貼出一個笑到嘅嘅表情：「真係一個政治笑話，一個議員政綱係寫要炒保安，幾咁鴻途（圖）大志！」

香港文匯報記者 鄭治祖